



948303

Mag. St. Dr.

IV





## FERDINANDUS ONUPHRIUS

DE KITKI

K I C K I

DEI &amp; APOSTOLICÆ SEDIS GRATIA ARCHIEPISCOPUS METROPOLITANUS LEOPOLIENSIS.

*Universo Clero, tam seculari, quàm Regulari Archiepiscopatus Nostræ, Nobis in Christo Dilecto Salutem à Domino.*



**D**ecretum Augustissimæ Majestatis ddto 13 Januarii, & ab Excelso Gubernio 26. elap. receptum, Nobis verò litteris Ejusdem Excelsi Gubernii ddto 15. currentis præsentatum Vobis intimamus de tenore sequenti =

Religiosi Ordinis Sanctissimæ Trinitatis de redemptione Captivorum, scilicet amotus Commissarius Provinciæ Pater Alexander, amotus Minister Majoris Conventus Leopoliensis P. Carolus, porro duo Consultores P. Urbanus & Pater Gregorius, ac Procurator P. Christophorus Leges & Mandata Sacratissimæ Majestatis transgredi ausi sunt, & quidem

1<sup>mo</sup> PP. Alexander & Carolus Capitulo in extracordionali Conventu in Berefteczko celebrato in elusionem Patentium ddto 24 Martii 1781 interfuerunt, & nexum cum extraneo Provinciali, & Conventibus habuerunt.

2<sup>do</sup> Idem Cassam Provinciæ & Capitales Summas ad Eandem pertinentes 23000. florenorum polonicalium in Fassionibus celarunt.

3<sup>tio</sup> In conscribendo Inventario supellectilis & Thesauri Ecclesiæ calicem aureum, & conflatum argentum 157. Marcas ponderans reticuerunt.

4<sup>to</sup> P. Carolus in Fassionibus porrectis Summam 51012 florenorum polonicalium celavit.

5<sup>to</sup> Idem PP. Alexander & Carolus in Conventu primario Leopoliensi, existentem Cassam Redemptionis, in qua 9520. florenorum & 14 grossi polonicalium parati peculii reperiabantur, unà cum Summis Capitalibus ad hanc Cassam pertinentibus, ex quibus 243500 florenorum polonicalium in his Regnis, & 267600. florenorum polonicalium in Bonis extracordonalibus radicata sunt in Fassionibus reticuerunt.

6<sup>to</sup> Ex usuris harum Summarum Capitalium 1000 aur. sive 17000. florenorum polonicalium Constantinopolim contraveniendo Patentibus de 31. Decembris 1774. miserunt.

7<sup>mo</sup> P. Carolus in Decembri 1781. 500 aureos extra hæc Regna in fraudem mox citatarum Patentium exmisit.

8<sup>vo</sup> P. Procurator Provinciæ P. Christophorus elapsò annò provisiones 4450. florenorum polonicalium de celatis Cassæ Redemptionis Capitalibus his in Regnis locatis levavit, & hanc Summam extraneo Patri Redemptori tradidit.

9<sup>no</sup> Sæpediti PP. Alexander & Carolus scripta quædam Ordinationes Sacratissimæ Majestatis graviter offendentia describi curarunt, & propagarunt.



romo Duo PP. Consultores Urbanus & Gregorius suprafatas falsas Faf-  
siones subscripserunt, atque celationi Summarum supra recensitarum se correos  
fecerunt.

Ut itaque pro his transgressionibus meritæ infligantur pœnæ, & reliquus  
Clerus à Legum transgressionibus deterreatur, præcepit Sacratissima Majestas,  
vigore decreti aulici ddtò 13 Januarii, & recepto 26 præteriti Mensis, ut non  
tantum Conventus Major Leopoliensis, sed etiam omnes reliqui Conventus &  
Hospitia PP. Trinitariorum in Regnis Galiciæ, & Lodomeriæ existentes cassen-  
tur, & eorum substantia pro Fundo Religionis confiscetur. Religiosis hujus  
Ordinis autem sive Presbyteri, sive Fratres Laici sint, liberum relinquatur,  
dispensationem à Reverendissimis Ordinariis petere, ut aut ad alium Religiosum  
Ordinem, aut ad Statum Cleri Sæcularis transire possint, in quo utroque casu  
proportionata pensio ipsis assignabitur =

Porro Sacratissima Majestas mandavit, ut ii ex his Religiosis, qui in  
Ordine suo permanere volunt, sine pensione ad alienas Oras relegentur, atque  
hoc modò etiam Ordo Trinitariorum per onus relegatos Religiosos sustentandi  
puniat, nec minus suprafati transgressores peculiariter præter jam subsecutam  
ab Officiis amotionem Carcere Diocesano & quidem PP. Alexander & Carolus  
per sex Menses, duo Consultores PP. Urbanus & Gregorius, & P. Procurator  
Christophorus per tres Menses puniantur, finitò autem hoc tempore, omnes  
quinque Ditionibûs Cæsareo-Regiis proscribantur; Tribus Religiosis verò, qui  
has transgressionibus Gubernio huic retulerunt, scilicet P. Petro Exministro, P.  
Antonio Concionatori, & P. Gundislavo, ob suam fidelitatem & singularem Ze-  
lum observandarum Legum comprobatum optio detur, aut in Ordine suo ma-  
nendi, quo casu se Viennam, vel ad alium Conventum sui Instituti in ditioni-  
bus Suxæ Majestatis conferre poterunt, aut ad Statum Cleri Sæcularis transeun-  
di, aut ad alium Religiosum Ordinem ingrediendi, quo casu ab ipsis dispensa-  
tio à Reverendissimo Ordinario petenda erit. Cæterum autem duplicata pensio  
cuilibet eorundem exolvatur.

Quam supremam Resolutionem Illustrissimæ ac Reverendissimæ Domi-  
nationi Vestræ eum in finem intimo, ut illam Universo Clero, tam Sæculari,  
quàm Regulari sine mora notum faciat, & Clerum ab omnibus Legum, & man-  
datorum transgressionibus seriò dehortetur, atque peractam publicationem cur-  
rendis Originalibûs intra sex Septimanas certò certius legitimet.

Præterea Illustrissima ac Reverendissima Dominatio Vestra, Religiosis  
duorum Conventuum Leopoliensium, & Conventus Burstinensis & Stanislaopo-  
liensis seriò præcipere velit, ut omnibus jussis & dispositionibus Commissariis  
abolitionis plenam præstent obedientiam.

Quod Mandatum in scriptis exarandum Illustrissima ac Reverendissima  
Dominatio Vestra, denominatis pro Conventu Civitateni in persona Magnifici  
Consilarii Gubernialis Mathiæ Ertel, & pro Conventu Suburbano, nec non pro  
reliquis duobus Burstinensi, & Stanislaopoliensi in personis Magnificorum Ca-  
pitaneorum Circulorum delegatis sine omni mora transmittere, atque sua ex  
parte ad prælegendum Religiosis Mandatum Commissarios constituere, nec non  
eosdem ad respectivos abolitionis Commissarios inviare fataget, cum actus abo-  
litionis duorum Conventuum Leopoliensium pro die 17 currentis, extra Leopo-  
lim sitorum Conventuum autem die 31 ejusdem præfixus habeatur.

Et cum dicti quinque Religiosi Prævaricatores ad squallorem Carceris 6.  
& respective 3. Mensium Condemnati sint, in hac Archi-Diœcesi autem tales  
Diœcesani carceres non existant, quia delinquentes Clerici in Cænobiis detineri  
solent, hinc Illustrissimæ ac Reverendissimæ Dominationis Vestræ dispositioni  
relinquo, quem locum quinque his Religiosis ad subeundam pœnam assignare  
velit, includendi tamen sine mora sunt, ut omnis occasio aufugiendi ipsis præ-  
cludatur; insuper Illustrissima ac Reverendissima Dominatio Vestra me infor-  
mabit, quantum cuilibet horum Religiosorum quotidie pro sustentatione submi-  
nistrandum esse censeat.



De Cætero Illustrissima ac Reverendissima Dominatio Vestra rem ita disponet, ut quinque sæpe dicti Religiosi, elapso pœnæ tempore ex hisce Regnis relegentur.

Hæc singula quæ vobis intimari facimus eo fine vobis notificanda exhibentur ut sciatis expressas hic graves supremorum Sacratissimæ Majestatis Mandatorum transgressiones per Individua Religiosorum Trinitariorum patratas adeo innatam Summi Imperantis Nostri lædere Clementiam ut eandem necessario jure ad juste infligendas Ordini huic provocarent pœnas. Rigor hic Justitiæ Augustissimæ Majestatis in nominatos prævaricatores supremarum Legum, eò vos magis, à similibus casuum evitacione detertere & ad debitam suo Imperanti reverentiam & fidelitatem incitare debet, quò magis Doctrinæ Salvatoris Nostri enutriti pabulò edocemini, summo Principi subditorum corda in eam quæ par est, reverentiam, Fidelitatem, & exactissimam Legum Ejus observantiam effundi debere. Studeatis fidei animorum vestrorum promptitudine adimplere singula Sacratissimæ Majestatis Mandata, scientes ea quæ Vobis ad observandum proponuntur, DEI voluntatem esse, in Cujus Manu cor Regum subsistit, utque sic, & bonorum civium, & bonorum Christianorum Nomen mereri valeatis. In quorum fidem Dat. in Palatio Nro Archiepli Leopoliensi Die 18 Mensis Martii 1783tio

FERDINANDUS ARCHIEPUS.









